



تہاڈا شہر۔ تہاڈا ووٹ۔

ٹورنٹو میونسپل الیکشن

سوموار، 26 اکتوبر، 2026

toronto.ca/Elections

میونسپل الیکشن دی معلومات لئی تہاڈا قابل اعتماد وسیلہ۔

ووٹ پاؤن لئی تیار ہو جاؤ، ٹورنٹو!

ووٹ کون پا سکتا اے؟

ٹورنٹو دے 2026 میونسپل الیکشن وچ ووٹ پاؤن دا اہل ہون لئی، تہاڈا ایہہ ہونا لازمی اے:

- کینیڈین شہری ہوو؛ تے
- گھٹ توں گھٹ 18 وریاں دی عمر؛ تے
- ٹورنٹو شہر دے رہائشی ہوو؛ یا
- ٹورنٹو دا غیر رہائشی، پر تسی یا تہاڈا جیون ساتھی ٹورنٹو وچ جائیداد دے مالک او یا اوتھے جائیداد کرائے اتے لئی ہوئی اے؛ تے
- کسے وی قانون دے ہیٹھاں ووٹ پاؤن دی ممانعت نہ ہووے۔

تسی ٹورنٹو وچ چنیاں مرضی جائیداداں دے مالک ہوو یا کرائے تے لئیاں ہوون، تسی صرف اک واری ووٹ پا سکتے او۔

تہاڈے لئی اوس وارڈ وچ ووٹ پانا لازمی اے جتھے تسی رہندے او۔

ہر اوہ گل جانو جیہڑی تہاڈے لئی ضروری اے

toronto.ca/Elections اتے جا کے:

- ووٹرز دی لسٹ وچ اپنی جانکاری دی تصدیق کرو، جانکاری شامل کرو یا اپ ڈیٹ کرو (11 اکتوبر نوں شام 7 بجے تیکر)۔
- پتہ کرو کہ کتھے تے کدوں ووٹ پانا اے۔
- شناختی دستاویزات دیاں ضرورتاں بارے اچ جانو۔
- ڈیجیٹل ووٹر انفارمیشن کارڈ ڈاؤن لوڈ یا پرنٹ کرو۔
- اپنے ووٹنگ مقام بارے رسائی دی جانکاری حاصل کرو۔
- نمونہ بیلٹ تے اپنے وارڈ دے امیدواراں دی لسٹ ویکھو۔

ووٹ پاؤن دے طریقے

ذاتی طور تے

تسی پیشگی ووٹنگ دے دوران یا الیکشن آلے دن ذاتی طور تے ووٹ پا سکتے او۔ اپنا ووٹنگ دا مقام toronto.ca/Elections اتے لہو۔

پیشگی ووٹنگ

اکتوبر 6 تاں 11

سویرے 10 تاں شام 7 بجے

الیکشن دا دن

سوموار، 26 اکتوبر

سویرے 10 بجے توں رات 8 بجے

ڈاک راہیں

تسی ڈاک راہیں ووٹ پاؤن لئی toronto.ca/Elections تے جا کے درخواست دے سکدے او۔ تہاڈا مکمل کیتا ہویا ڈاک راہیں ووٹنگ پیکیج Toronto Elections (ٹورنٹو الیکشنز) نوں 14 اکتوبر نوں دوپہر 12 وجے تیکر لازمی پہنچ جانا چاہیدا اے۔ اپنا نشان لگایا ہویا بیلٹ تے ضروری دستاویزاں واپس کرن لئی، ٹورنٹو الیکشنز دے محفوظ ڈراپ باکس ورتو یا پری پیڈ لفافہ کینیڈا پوسٹ راہیں ڈاک توں گھلو۔ ڈراپ باکس دے مقامات تے اوقات toronto.ca/Elections تے لبھو۔

ڈاک راہیں ووٹنگ دیاں اہم تاریخاں

درخواست دی مدت: منگل، 1 ستمبر توں جمعرات، 24 ستمبر شام 4:30
وجے تیکر۔
واپس کرن دی آخری تاریخ: بدھ، 14 اکتوبر دوپہر 12 وجے تیکر۔



پراکسی راہیں

جے تسی ذاتی طور تے یا ڈاک راہیں ووٹ پاؤن دے قابل نہیں او، تے تسی پراکسی دے طور تے کسے ہور ووٹر نوں اپنے ولوں ووٹ پاؤن لئی مقرر کر سکدے او۔ ایہہ شخص ٹورنٹو دے 2026 میونسپل الیکشن وچ ووٹ پاؤن دا اہل ہونا چاہیدا اے۔

ووٹنگ پراکسی اپائنٹمنٹ فارم منگوان لئی VoterRegistration@toronto.ca اتے ای میل کرو یا 311 تے کال کرو۔

پراکسی ووٹنگ دیاں اہم تاریخاں

ووٹنگ پراکسی اپائنٹمنٹ فارم دی درخواست کرو: منگل، 1 ستمبر توں شروع۔
پراکسی فارم دی ذاتی طور تے تصدیق کراون دی آخری تاریخ: سوموار، 26 اکتوبر شام 4:30 وجے تیکر:

ووٹرز دی لسٹ وچ اپنا ناں شامل کرو

toronto.ca/Elections تے جاؤ یا 311 تے کال کر کے اپنی ووٹرز دی لسٹ آلی جانکاری دی تصدیق کرو، ناں شامل کرو یا جانکاری اپ ڈیٹ کرو۔ ووٹرز دی لسٹ وچ آن لائن تبدیلیاں کرن دی آخری تاریخ اتوار، 11 اکتوبر شام 7 وجے اے۔

ایہہ پک کرنا ضروری اے کہ تہاڈا ناں ووٹرز دی لسٹ وچ موجود اے تے تہاڈی جانکاری درست اے، خاص طور تے جے پچھلے میونسپل الیکشن توں بعد تسی اپنا پتہ بدل لیا اے یا ناں تبدیل کیتا اے۔ ووٹ پاؤن توں پہلاں ووٹرز دی لسٹ وچ ناں موجود ہون نال ووٹ پاؤن دا عمل ہور تیز ہو جائے گا۔

جے تہاڈا ناں اتوار، 20 ستمبر تیکر ووٹرز دی لسٹ وچ شامل اے، تے تہانوں ڈاک راہیں ووٹر انفارمیشن کارڈ گھلپا جائے گا۔



تسی پیشگی ووٹنگ دوران یا الیکشن آلے دن ذاتی طور تے وی ووٹرز دی لسٹ وچ اپنا ناں شامل کروا سکدے او۔

ووٹ پاؤن لئی تہاڈا اہل ہون دیاں شرطیں پوری کرنا تے شناختی دستاویز پیش کرنا لازمی اے، بھاویں تہاڈا ناں ووٹرز دی لسٹ وچ شامل ہووے۔

ووٹرز دی لسٹ دی اہم تاریخ

ووٹرز دی لسٹ نوں آن لائن اپ ڈیٹ کرن دی آخری تاریخ: اتوار، 11 اکتوبر شام 7 وجے۔

ووٹر انفارمیشن کارڈ

تہاڈا ووٹر انفارمیشن کارڈ (VIC) دسدا اے کہ ذاتی طور تے ووٹ کدوں تے کتھے پانا اے۔ اپنا VIC ووٹنگ مقام تے نال لے کے آون نال ووٹ پاؤن دا عمل ہور تیز ہو جائے گا، پر ووٹ پاؤن لئی VIC ہونا ضروری نہیں۔ تہاڈا VIC شناختی دستاویز دے طور تے ورتیا نہیں جا سکدا۔

ووٹر انفارمیشن کارڈ دیاں اہم تاریخاں

ڈیجیٹل ووٹر انفارمیشن کارڈ آن لائن دستیاب اے: منگل، 1 ستمبر توں شروع۔
ووٹر انفارمیشن کارڈ ڈاک راہیں گھلے جان گئے: سوموار، 28 ستمبر توں شروع۔



اگلی نسل دے ووٹر

بال ٹورنٹو دے Tree of the Year 2027 لئی ووٹ پا سکدے نیں تے ووٹنگ دے عمل بارے سکھ سکدے نیں۔

ہفتہ، 10 اکتوبر تے اتوار، 11 اکتوبر
سویرے 10 وجے توں شام 7 وجے تیکر
سارے 50 پیشگی ووٹنگ مقامات تے۔

**پیپر برچ
:(Paper Birch)**
میرے بیج دور تیکر اُڈ
کے جاندے ہیں،
تے مینوں ہر پاسے اُگن
وچ مدد دیندے ہیں!



**بیس ووڈ
:(Basswood)**
پارک وچ میری چہاں
مینوں سبھ توں
ٹھنڈا درخت بناندی اے!



**شوگر میپل
:(Sugar Maple)**
میرا مٹھا رس تے
چمکدے رنگ پوری دنیا
وچ مشہور ہیں!



**سرخ شاہ بلوط
:(Red Oak)**
میرے بلوط دے پھل تے
پتے میرے جانور
دوستاں لئی سوادے
ناشتیاں ورگے ہیں!



**سفید صنوبر
:(White Pine)**
میرے سوئیاں
ورگے پتے سارا سال
میرے جانور دوستاں
نوں پناہ دیندے ہیں!



امیدواراں نال ملو

جیہڑا درخت جتے گا، اوہنوں ٹورنٹو دا Tree of the Year 2027 قرار دتا جائے گا تے پودے لاؤن، سکولان نوں
ننھے پودے فراہم کرن تے عوام لئی درختاں دے سارے مفت پودے ونٹن آلے پروگراماں وچ مفت پودے فراہم کر کے
اوبدی خوشی منائی جاوے گی۔

مزے دار سرگرمیاں تے وسائل لئی toronto.ca/KidsVote تے جاؤ:

- بیلٹ تے نشان لاؤن دا طریقہ سکھو۔
- پتا کرو کہ ووٹ کتھے پانا اے۔
- دریافت کرو کہ کھڑے درخت دے امیدوار دے پتے سبھ توں وڈے، چھل سبھ توں کھردرے یا رس سب توں
سواد آلا اے۔
- پتا کرو کہ شہد دیاں مکھیاں، پکھیاں تے گلہریاں کھڑے درخت دے امیدوار نوں سب توں ودھ پسند کردیاں
ہیں۔

رسائی بارے جانکاری

سارے ووٹنگ مقامات ہر طرح دی رسائی لئی موزوں نہیں تے معاون افراد تے سروس آلے جانوراں دے ورتارے دی اجازت اے۔ اپنے ووٹنگ مقام دی رسائی بارے جانکاری **toronto.ca/Elections** تے لبھ سکدیاں نیں۔

قابل رسائی ووٹنگ آلات

- ووٹر اسسٹ ٹرمینل (VAT) معذوری آلے ووٹراں نوں وکھرے مددگار آلات نوں ورت کے اپنا بیلٹ نجی تے خود مختار طریقے نال نشان لاون دی سہولت دیندا اے۔
- VAT وچ ٹچ اسکرین، آڈیو فنکشن، بریل کیی پیڈ، سپ/پف ٹیوب ڈیوائس، راکر پیڈل تے فونٹ دے سائز تے رنگاں دے تضاد نوں بدلن لئی زوم دیاں سہولتاں شامل نیں۔
- VAT سارے پیشگی ووٹنگ مقامات تے، تے الیکشن آلے دن ہر وارڈ وچ دو ووٹنگ مقامات تے دستیاب ہون گے۔ جے تہانوں الیکشن آلے دن ووٹر اسسٹ ٹرمینل دی لوڑ اے تے تہاڈے مقررہ ووٹنگ مقام تے ایہ موجود نہیں، تے تسی پہلاں توں 311 تے کال کر کے اپنا بیلٹ دوجے ووٹنگ مقام تے منتقل کرن دی درخواست کر سکدے او۔

ہور سہولتاں

- جے تسی ذاتی طور تے ووٹ پاؤن دے قابل نہیں او، تے تسی ڈاک راہیں ووٹ پاؤن دی درخواست کر سکدے او یا ووٹ پاؤن لئی کسے ہور ووٹر نوں پراکسی مقرر کر سکدے او۔ ہور جانکاری لئی پچھلا پاسہ ویکھو یا toronto.ca/Elections تے جاؤ۔
- سارے ووٹنگ مقامات تے وڈا کر کے ویکھن آلی شیٹس، بریل وچ ووٹ پاؤن دیاں ہدایاتاں، بریل بیلٹ اوورلے، تے 26 زبانان وچ ووٹ پاؤن دیاں ہدایاتاں دستیاب نیں۔
- تسی اپنی مدد لئی کسے دوست یا معاون شخص نوں اپنے نال لے کے آ سکدے او۔
- جے تسی ووٹنگ مقام دے اندر نہیں جا سکدے، تے تہاڈا بیلٹ باہر یا تہاڈی گڈی تیکر لے کے آیا جا سکدا اے۔ ہور جانکاری لئی 311 اتے کال کرو۔
- جے تہانوں اپنے مقررہ ووٹنگ مقام تے کسے رکاوٹ دا خدشہ اے، تے تسی پہلاں توں 311 اتے کال کر کے اپنا بیلٹ کسے ہور ووٹنگ مقام تے منتقل کرن دی درخواست کر سکدے او۔
- جے تسی بہرے او، سنن توں محروم او، گھٹ سندے او، یا تہانوں بولن وچ معذوری اے، تے تسی اپنی TTY ڈیوائس نوں ورت کے 711 ڈائل کر کے الیکشن بارے جانکاری حاصل کر سکدے او۔
- ہور رسائی دی مدد لئی AccessibleElections@toronto.ca تے رابطہ کرو۔

قابل قبول شناختی دستاویزات

ووٹ پاؤن لئی، تہانوں الیکشن افسر نوں قابل قبول شناختی دستاویز (ID) دا اک ثبوت وکھانا پئے گا، جیدے اتے تہاڈا ناں تے ٹورنٹو دا اہل پتا درج ہووے۔ فوٹو آلی شناختی دستاویز ضروری نیں۔

قابل قبول شناختی دستاویز دیاں مثالیں:

- اونٹاریو ولوں جاری کیتا ڈرائیونگ لائسنس، فوٹو کارڈ یا موٹر وہیکل پرمٹ (گڈی آلا حصہ)۔
- کریڈٹ کارڈ یا بینک اکاؤنٹ دا سٹیٹمنٹ، یا تہاڈے ناں آلا منسوخ شدہ چیک۔

- مارگیج اسٹیٹمنٹ، لیز یا کرائے دا معاہدہ۔
- چیک سٹب، 4T سٹیٹمنٹ یا مالک روزگار ولوں جاری کیتی تنخواہ دی رسید۔
- اونٹاریو ورکس یا اونٹاریو ڈس ایبلٹی سپورٹ پروگرام دی ڈائریکٹ ڈپازٹ دی اسٹیٹمنٹ۔
- پراپرٹی ٹیکس یا انکم ٹیکس اسیسمنٹ نوٹس۔
- بجلی، پانی، گیس، ٹیلی فون یا کیبل ٹی وی دا یوٹیلیٹی بل۔

الیکٹرانک شناخت:

- جے کوئی دستاویز الیکٹرانک طریقے نال جاری ہوئی اے، تے تسی اوہ دستاویز اپنے موبائل فون تے شناختی ثبوت (ID) دے طور تے وکھا سکدے او۔ مثال دے طور تے، ڈیجیٹل فون بل یا کریڈٹ کارڈ اسٹیٹمنٹ۔
- جے کوئی دستاویز الیکٹرانک طریقے نال جاری نہیں ہوئی، تے تسی اوہدی فوٹو، فوٹو کاپی یا اسکین نوں شناختی ثبوت (ID) دے طور تے نہیں وکھا سکدے۔ مثال دے طور تے، اپنے ڈرائیونگ لائسنس دی فوٹو۔

قابل قبول شناختی دستاویزاں دی مکمل لسٹ
toronto.ca/Elections تے لیہو۔



- تسی اپنا ووٹر انفارمیشن کارڈ شناختی ثبوت (ID) دے طور تے نہیں ورت سکدے۔
- تسی اپنا پاسپورٹ شناختی ثبوت (ID) دے طور تے نہیں ورت سکدے، کیوں جے اوہدے اُتے تہاڈا پتا درج نہیں ہوندا۔



toronto.ca/Elections



elections@toronto.ca



311



@cityoftoronto



City of Toronto



@cityofto